



Халқ сўзи

Ўзбекистон –
келажаги
буюк
давлат

2025 йил — АТРОФ-МУҲИТНИ АСРАШ ВА «ЯШИЛ» ИҚТИСОДИЁТ ЙИЛИ

1991 йил 1 январдан чиқа бошлаган

WWW.XS.UZ

E-mail: Info@xs.uz

2025 йил 2 апрель, № 67 (8962)

Чоршанба

Сайтимизга ўтиш учун QR-кодни телефонингиз орқали сканер қилинг.



«ОЛДИМИЗДА МИНТАҚАМИЗНИ НАФАҚАТ БАРҚАРОР, БАЛКИ ФАРОВОН ҚИЛИШ УЧУН ТАРИХИЙ ИМКОНИАТ ТУРИБДИ»



Ўзбекистон Республикаси Президенти Шавкат Мирзиёевнинг Самарқанддаги «Марказий Осиё — Европа Иттифоқи» биринчи саммити олдидан «Euronews»га берган эксклюзив интервьюси

— Кейинги йилларда дунё шиддат билан ўзгармоқда: геосийёсий беқарорлик, иқтисодий хатарларнинг ўсиши, иқлим ўзгариши билан боғлиқ муаммолар — буларнинг барчаси халқаро ҳамкорликнинг янги форматларини тақозо этмоқда. Шу нуқтаи назардан қаралганда, Самарқанд шахридаги «Марказий Осиё — Европа Иттифоқи» саммити минтақаларимиз ўртасидаги муносабатларда бўрилиш нуқтаси сифатида кўринмоқда. Нима учун айнан шу пайт ўзаро ҳамкорлик янги босқичга чиқмоқда?

— Минтақаларимизни чуқур тарихий илдизлар, бир-бирига мос манфаатлар ва яқин шерикликка объектив интилиш боғлаб туради. Бугунги кунда биз Европа Иттифоқи билан ҳамкорликнинг қарийб ўттиз йиллик самарали тажрибага асосланган аниқ кун тартибини шакллантирганмиз.

Бизнинг Европа Иттифоқи билан шериклигимиз — бу икки томонлама ҳаракат, ундан иккала томон ҳам манфаат қўриши лозим. «Марказий Осиё — Европа Иттифоқи» формати — ноб ҳамкорлик платформаси бўлиб, ўлчам ва институционал қамров жиҳатидан унга ўхшаши мавжуд эмас. 27 давлатни, жумладан, «Катта еттилик»ка аззо учта мамлакатни (Германия, Франция ва Италия) бирлаштирган Европа Иттифоқи Марказий Осиё билан минтақалараро даражада тизимли ҳамкорлиқни йўлга қўйган энг йirik интеграцион тизимга ҳисобланади. Европа Иттифоқи билан ҳамкорлик иқтисодиёт ва инвестициядан тортиб барқарор ривожланиш, хавфсизлик ва рақамли трансформациягача бўлган соҳаларнинг кенг мажмуасини қамраб олади ҳамда ўзқ муддатли стратегик устувор йўналишларга асосланади.

Биз европалик ҳамкорларимиз билан мунтазам учрашиб келмоқдамиз. Минтақамизга етакчи давлатлар раҳбарларининг ташрифлари анча фаоллашди. Ўзбекистон Италия, Венгрия ва Франция билан стратегик шериклик ўрнатди. Германия ва Марказий Осиё мамлакатлари эса минтақавий стратегик шерикларга айланди. Бугун Европа Иттифоқи Марказий Осиё давлатлари билан савдо ва инвестиция алоқаларини изчил ривожлантирмоқда. Охириги етти йилда Марказий Осиё мамлакатларининг ЕИ билан савдо айланмиси тўрт баробар ошди, 54 миллиард еврони ташкил этди.

Биз Европа бизнесининг Ўзбекистон ва минтақадаги бошқа мамлакат-

лар билан савдо ва инвестициявий ҳамкорлик қилиш имкониятларига қизиқиши кучайиб бораётганини мамнуният билан кузатмоқдамиз.

Минтақамизда кузатилаётган ижобий жараёнлар туфайли Марказий Осиё қудратли ва етакчи давлатларнинг Шарқ ва Ғарб, Шимол ва Жанубни боғловчи йўллар туташган геосийёсий чорраҳадаги ишончли ҳамкорига айлантирмоқда. Бу «Марказий Осиё плюс» форматларида ўз ифодасини топмоқда. Улар очик мулоқотни қўллаб-қувватлашга хизмат қилиб, барча томонларнинг ўзаро манфаатли ҳамкорлиги учун қўлай имконият яратмоқда.

Бундай шароитда Самарқанд саммитида Европа Иттифоқи ва минтақамиз давлатлари ўртасида стратегик шериклик йўлга қўйилиши минтақалараро ҳамкорлик ва ўзаро боғлиқликнинг ривожланишида янги йўналишлар очади.

— Саммитни ўтказиш жойи сифатида Самарқанд шахри танланишининг сабаби ҳақида батафсил сўзлаб берсангиз. Самарқанд мулоқот ва имкониятлар нуқтай назаридан қандай рамзий аҳамиятга эга?

— Самарқанд — асрлар давомида савдо, илм-фан ва дипломатия маркази бўлиб келган шаҳардир. Унинг улғурлиги турли маданиятлар, халқлар ва гоёларни бирлаштира олганида. Бугун у яна Европа ва Марказий Осиё замонавий асосий муаммоларини муҳокама қилиши мумкин бўлган мулоқот майдонига айланмоқда.

Самарқанд Марказий, Жанубий Осиё ва Яқин Шарқ худудида истиқомат қилган халқларнинг кўп асрлик халқаро муносабатлари тарихида алоҳида ўринга эга. Олти асрдан ортқ вақт илгари айни шу ердан Мовароуннахр ҳукмдори Амир Темур Европа монархлари билан эркин ва хавфсиз савдонинг таъминлаш мақсадида фаол алоқалар ўрнатган эди.

Бугунги кунда Самарқанд халқаро ҳаётдаги ўзига хос ўрнини тикламоқда ҳамда мамлакатимизнинг тарихий сиёсий ва дипломатик меросини асраб-авайлаб, уни янги, янада кенг мазмун билан бойитмоқда.

Тарихан шаклланган тушунчага кўра, Самарқанддан туриб қаралганда, дунё тарқоқ эмас, балки яхлит ва бўлинмас бўлиб кўринади. «Самарқанд руҳи» деган ноб феноменининг мазмуни ҳам асли шунда мужассас бўлиб, у халқаро ҳамкорликнинг принциплал жиҳатдан



янги форматини шакллантириш учун асос бўлиб хизмат қилмоқда.

— Кейинги йилларда минтақада ўз берган асосий ўзгаришларни қандай тавсифлаган бўлардингиз, Марказий Осиё бешлигида Ўзбекистон раислиги даврида қайси устувор йўналишларга эътибор қаратасиз?

— Аввало, шунини алоҳида таъкидлашни истардимки, Марказий Осиё Ўзбекистон ташқи сиёсатининг устувор йўналиши ҳисобланади. Бу бир қатор омиллар билан боғлиқ. Биринчидан, бугунги дунё сиёсати харитасига назар ташласак, қуролли низола, зиддиятлар ва зўравонлик авж олаётган ҳолатларнинг аксарияти айнан қўшни давлатлар ўртасида юз бераётганини кўраемиз. Бу ҳолат Яқин Шарқ, постсовет макони, Жанубий Осиё, Африка ва бошқа минтақалар учун ҳам хос.

Афсуски, Марказий Осиё ҳам бундай ҳолатлардан мустасно бўлмаган. Турли даврларда бу ерда қуролли тўқнашувлар содир бўлган, чегара масалалари, сув-энергетика муаммолари, транспорт ва алоқа соҳасидаги мураккабларнинг, хавфсизликка оид таҳдидлар вазиятини оғирлаштирган. Бу эса ўзқ давом эта олмасди. Ихтилофлар кучайди, келишмовчиликлар чуқурлашди ва юзага келаётган мураккаб вазият минтақанинг хавфсизлигига жиддий таҳдид сола бошлади.

Биз ана шундай реал ҳолатни англаб етиб, стратегик қарор қабул қилдик: Марказий Осиёда конструктив, яхши қўшничиликка асосланган ва ўзаро манфаатли муносабатларни босқичма-босқич барпо этиш. Бу ёндашувнинг замирида ўзаро ишонч ва ҳурмат, умумий манфаатларни ҳисобга олиш ва тан олиш ётади.

Сўнгги йилларда Марказий Осиё тубдан ўзгарди, янги қиёфа касб этди — конструктив мулоқот, ишонч ва ҳар томонлама ҳамкорлик майдонига айланди. Бу эса мамлакатларимиз етакчиларининг умумий сиёсий иродаси туфайли амалга ошди. Бугун биз бу жараённинг ортга қайтмаслиги ҳақида ишонч билан айта оламиз.

(Давоми 2-бетда).



ЎЗБЕКИСТОН ПРЕЗИДЕНТИ ХИТОЙ ДЕЛЕГАЦИЯСИНИ ҚАБУЛ ҚИЛДИ

Ўзбекистон Республикаси Президенти Шавкат Мирзиёев 1 апрель кун
Хитой Халқ Республикаси Коммунистик партияси Марказий кўмитаси Халқаро
алоқалар бўлими мудирини Лю Цзяньчао бошчилигидаги делегацияни қабул қилди.



Юқори мартабали меҳмон давлатимиз раҳбарига Хитой Раиси Си Цзиньпиннинг саломи ва энг эзгу тилақларини етказди.

Учрашувда олий даражада эришилган келишувларга мувофиқ Ўзбекистон билан Хитой ўртасидаги кўп қиррали ҳамкорлик ва амалий шериклики янада кенгайтириш масалалари кўриб чиқилди.

Кейинги йилларда Ўзбекистон — Хитой дўстлиги ва барча шароитларда ҳар томонлама стратегик шериклик муносабатларида юксак даражага эришилгани алоҳида мамнуният билан қайд этилди.

Ўзаро товар айирбошлаш ва инвестициялар ҳажми барқарор ошиб бормоқда, иқтисодиётнинг устувор тармоқларида етакчи компаниялар иштирокидаги қўшма лойиҳа ва корхоналар сони кўпаймоқда.

Хитой — Қирғизистон — Ўзбекистон темир йўлини қуриш лойиҳаси бўйича амалий ишлар олиб боришмоқда.

Фаол ҳуудлараро алоқалар ва маданий-гуманитар алмашинув юқори баҳоланди. Жорий йилда навбатдаги Худудлар форуми ва Таълим форуми бўлиб ўтади.

Парламентлараро ва партия-

лараро ҳамкорлики, айниқса, камбағаллиқни қисқартириш, коррупцияга қарши курашиш, рақамлаштириш ва саноатлаштириш жадаллаштириш каби соҳаларни янада кенгайтириш зарурлигига алоҳида эътибор қаратилди.

Олий ва профессионал таълим соҳасида ҳамкорлиқни янада ривожлантириш, жумладан, мамлакатимизда Хитойнинг етакчи олий таълим муассасалари филиалларини очиш муҳимлиги қайд этилди.

Ўзбекистон Республикаси Президенти
Матбуот хизмати сурати.

ИККИ ТОМОНЛАМА АЛОҚАЛАРНИНГ ДОЛЗАРБ МАСАЛАЛАРИ КЎРИБ ЧИҚИЛДИ

Ўзбекистон Республикаси Президенти Шавкат Мирзиёев ва Эрон Ислон Республикаси Президенти Масъуд Пезешкиён 1 апрель кун бўлиб ўтган телефон орқали мулоқотда бир-бирларини ва мамлакатларимизнинг дўст халқларини баҳор айёми Наврўз ва муборак Рамазон ҳайити — Ийд ал-Фитр билан самийий қўтлаб, тинчлик-осойишталик, фаровонлик ва равақ тиладилар.

Қабул қилинган «Йўл харитаси» асосида кўп қиррали Ўзбекистон — Эрон муносабатларини янада ривожлантиришнинг долзарб масалалари атрофича кўриб чиқилди.

Турли даражаларда фаол мулоқотлар ва ташрифлар давом этаётгани мамнуният билан қайд этилди.

Ўзаро савдо ва юк ташиш кўрсаткичлари, қўшма корхоналар сони ошмоқда,

пойтахтлар ўртасида мунтазам тўғридан-тўғри авиақатновлар амалга оширилмоқда, ишбилармонлик ва маданий-гуманитар алмашинув кенгаймоқда.

Кимё ва нефть-кимё тармоқлари, тўқимачилик ва озиқ-овқат саноати, қишлоқ хўжалиги, қурилиш материаллари тармоғи ва бошқа йўналишлардаги кооперация лойиҳаларини қўллаб-қувватлаш ва жадал амалга

оширишга алоҳида эътибор қаратилди.

Техрон шаҳрида ўтказилиши режалаштирилган Ҳукуматлараро комиссия йиғилиши, бизнес форуми ва саноат кўргазмасини самарали ташкил этиш муҳимлиги таъкидланди.

Ўзбекистон ва Эрон етакчилари халқаро ва минтақавий аҳамиятга молик масалалар юзасидан ҳам фикр алмашдилар.

ЎЗБЕКИСТОНДА «МАРКАЗИЙ ОСИЁ — ЕВРОПА ИТТИФОҚИ» БИРИНЧИ САММИТИ БЎЛИБ ЎТАДИ



3-4 апрель кунлари Самарқанд шахрида
«Марказий Осиё — Европа Иттифоқи»
биринчи саммити бўлиб ўтади.

Ўзбекистон Республикаси Президенти Шавкат Мирзиёев раислигида ўтайдиган саммит ишида Европа кенгаши Президенти Антониу Кошта, Европа комиссияси Президенти Урсула фон дер Ляйен, Қозоғистон Республикаси Президенти Қосим-Жомарт Тоқаев, Қирғиз Республикаси Президенти Садир Жапаров, Тожикистон Республикаси Президенти Эмомали Раҳмон ва Туркменистон Президенти Сердар Бердимухамедов иштирок этади.

«Келажакка сармоя киритиш» шиори остида ўтказила-

диган тадбирда Европа тиклини ва тараққиёт банки ҳамда Европа инвестиция банки раҳбарлари ҳам иштирок этиши кутилмоқда.

Кун тартибига мувофиқ, Марказий Осиё давлатлари ва Европа Иттифоқи ўртасидаги кўп қиррали муносабатлар ва амалий ҳамкорлиқни ривожлантириш истикболлари кўриб чиқилади.

Инвестициявий ҳамкорлиқни кенгайтириш ва товар айирбошлашни кўпайтириш, инновациялар, «яшил» энергетика, тоғ-кон, қишлоқ хўжалиги, транспорт, логистика ва рақамлаштириш соҳаларида қўшма дастур ва кооперация лойиҳаларини илгари суриш, маданият, туризм, фан, таълим ва бошқа устувор йўналишларда фаол алмашинувларни давом эттириш масалалари диққат марказида бўлади.

Делегациялар раҳбарлари халқаро ва минтақавий сиёсатнинг долзарб жиҳатлари юзасидан ҳам фикр алмашдилар.

Дастурга мувофиқ, Марказий Осиё давлатлари етакчилари ва Европа Иттифоқининг асосий институтлари раҳбарлари 4 апрель кун ўз ишини бошлайдиган Самарқанд халқаро иқлим форумининг ялпи мажлисида иштирок этади.

Бундан ташқари, саммит доирасида Ўзбекистон Республикаси Президенти хорижий делегациялар раҳбарлари билан қатор икки томонлама учрашувлар ўтказилиши кўзда тутилган.

ЎЗА.

«ОЛДИМИЗДА МИНТАҚАМИЗНИ НАФАҚАТ БАРҚАРОР, БАЛКИ ФАРОВОН ҚИЛИШ УЧУН ТАРИХИЙ ИМКОНИЯТ ТУРИБДИ»

◀ (Давоми. Бошланиши 1-бетда).

2017 йилда БМТ Бош Ассамблеясининг 72-сессиясида Ўзбекистон Маслаҳат учрашувларини ўтказиш ташаббуси билан чиққанида, биз оддий, бироқ муҳим ғоядан келиб чиққан эдик: агар биз ўзаро ишонч ва очиқ мулоқотни ўзимиз бошламасак, ҳеч қандай ташқи ҳамкорлар минтақамизда тинчлик, барқарорлик ва тараққиётни таъминлаб беролмайди. Бу жараён ўз самарасини кўрсатди. Бугун энг мураккаб масалаларни музокаралар орқали ҳал этмоқдамиз, қўшма ташаббусларни мувофиқлаштиряпмиз ва олдинга дадил қадам ташляпмиз.

Жорий йилда Тошкентда еттинчи Маслаҳат учрашуви бўлиб ўтди. Бундай йиғилишларда биз нафақат кун тартибини муҳокама қилаямиз, фикр алмашляпмиз, балки минтақа қиёфасини ўзгартирувчи аниқ қарорларни қабул қилмоқдамиз. Яқин орадаги ёрқин мисол — Қирғизистон ва Тожикистон ўртасида давлат чегарасини делимитация қилиш масаласининг узил-кесил ҳал этилиши бўлди. Бу — томонларнинг йиллар давомидаги саяё-ҳаракатлари туфайли эришилган муваффақиятдир.

Савдо алоқаларини рағбатлантириш учун чегараолди савдо ҳудудлари ташкил этилмоқда, қўшма инвестиция жамғармалари ишга тушириляпти, йирик инфратузилма ва саноат лойиҳалари амалга оширилмоқда.

Марказий Осиё глобал транспорт занжирларининг муҳим бўғинига айланмоқда. Биз Транскаспий ва Трансафғон транспорт йўлларини фаол ривожлантиряпмиз — бу мамлакатларимизнинг жаҳон бозорларига чиқиш имкониятларини кенгайтиришга хизмат қилади.

Шу тарзда Марказий Осиё энди тарихнинг четида эмас, балки ўз стратегик кун тартибини шакллантираётган, жадал ривожланаётган минтақага айланмоқда. Сиёсий ирода, юқори даражадаги ўзаро ишонч ва қўшма иқтисодий ташаббуслар минтақада барқарор ривожланиш учун янги имкониятлар яратди.

Марказий Осиё бешлигида Ўзбекистоннинг раислиги даврида биз қуйдаги учта устувор йўналишга алоҳида эътибор қаратамиз: минтақавий хавфсизликни мустаҳкамлаш, иқтисодий интеграцияни чуқурлаштириш ва экологик барқарорликни таъминлаш.

Олдимизда минтақамизни нафақат барқарор, балки фаровон қилиш учун тарихий имконият турибди. Ишонч билан айта оламизки, биз бу салоҳиятни биргаликда рўёбга чиқаришга қодирмиз.

— **Ўзбекистонда амалга оширилаётган қандай ислохотлар Европа Иттифоқи билан иқтисодий ҳамкорликни рағбатлантиришга хизмат қилмоқда ва Марказий Осиё билан алоқаларни янги босқичга олиб чиқиш учун ЕИ томонидан қандай чоралар кўрилиши мумкин?**

— Ўзбекистонда изчиллик билан қулай бизнес муҳитини яратмоқдамиз, бозор институтларини ривожлантирмоқдамиз ва инвестициявий муҳитни яхшиляпмиз. Муҳим қадамлардан бири хорижий инвесторлар учун “ягона дарча” тизими жорий этилгани, валюта бозори либераллаштирилгани, бизнес учун солиқ юки камайтирилгани бўлди.

Натижада мамлакатимиз ва Европа Иттифоқи ўртасидаги иқтисодий ҳамкорликда ижобий суръат кузатиладими. 2024 йилда Ўзбекистон ва Европа Иттифоқи давлатлари ўртасидаги товар айирбошлаш ҳажми 6,4 миллиард долларга етди, бу ўтган йилга нисбатан 5,2 фоизга кўпдир. Мамлакатимизда Европа капитални иштирокидаги 1 мингдан ортиқ корхона фаолият ейтирмоқда, инвестиция лойиҳалари ҳажми эса 30 миллиард еврога етган. Европа Иттифоқи билан Кенгайтирилган шериклик ва ҳамкорлик тўғрисидаги битимнинг имзоланиши савдо-инвестиция алоқаларини янада чуқурлаштириш учун янги имкониятлар очишига ишонамиз.

Биз ЕИ бозорига юқори сифатли, экологик тоза ва Европа стандартларига жавоб бе-

радиган маҳсулотларни кўпроқ етказиб беришга тайёرمىз. Бугунги кунда самарали транспорт-логистика йўлаklarини ривожлантириш аҳамияти ортиб бормоқда ва Марказий Осиё Европа билан Осиё ўртасидаги шунчаки “кўприк” эмас, балки глобал иқтисодий жараёнларнинг фаол иштирокчисига айланиши мумкин.

Шу маънода, биз Европа Иттифоқининг “Глобал дарвоза” стратегиясини минтақадаги асосий транспорт лойиҳалари билан уйғунлаштиришни, Транскаспий транспорт йўлагини илгари суриш бўйича “Ҳаракатлар режаси”ни биргаликда ишлаб чиқишни таклиф этамиз. Бу инвестициялар ортиши, инфратузилма ривожини ва инновация технологияларини жорий этишга янги суръат бағишлайди.

Иқтисодий боғлиқликни сифат жиҳатдан янги босқичга олиб чиқиш учун савдо тартиб-таомилларини янада соддалаштириш, Марказий Осиё маҳсулотларининг Европа бозорига кириш имкониятини яхшилаш, техник стандартлар ва сертификатларни уйғунлаштириш зарур. Шу билан бирга, инфратузилма лойиҳаларини амалга ошириш, рақамли иқтисодиёт ва инновацион ҳамкорликни ривожлантириш жараёнига Европа бизнесини фаол жалб қилиш муҳим аҳамиятга эга.

Биз, шунингдек, Европа тикланиш ва тараққиёт банки, Европа инвестиция банки ва бошқа халқаро молия институтлари орқали молиявий кўмак механизмларини фаоллаштиришни қўлаб-қувватляймиз. Европалик ҳамкорлар иштирокида кичик ва ўрта бизнес ривожини учун қулай шароитлар яратилиши минтақа иқтисодий барқарорлиги ва аҳоли фаровонлигини оширишга хизмат қилади.

— **Марказий Осиё — энергия ресурсларига бой ва қайта тикланувчи энергетикани ривожлантириш учун улкан салоҳиятга эга бўлган кам сонли минтақалардан бири ҳисобланади. Қайта тикланувчи манбалардан фойдаланиш бўйича кейинги тенденциялар ҳисобга олинса, минтақанинг Европанинг энергетик барқарорлигини таъминлашда қандай ўрин тутishi мумкин?**

— Марказий Осиё нафақат энергия ресурсларини барқарор етказиб беришни таъминлай оладиган, балки углеродни қисқартириш бўйича глобал жараёнга ҳам катта ҳисса қўша оладиган ишончли ҳамкорга айланиши мумкин.

Марказий Осиё мамлакатлари иштирокида амалга оширилаётган Каспий ва Қора денгиз орқали Европада “яшил стратегик йўлак” барпо этиш лойиҳасида ҳамкорлик учун улкан салоҳият мавжуд. Ушбу лойиҳанинг амалга оширилиши ўзаро манфаатли энергетик боғлиқликнинг мустаҳкам асосини яратади.

Қайта тикланувчи энергетика соҳасида ҳамкорлик қилиш учун муҳим институционал платформа сифатида Тоза энергетика бўйича Марказий Осиё — ЕИ шериклигини ташкил этиш мумкин. Бу водород ва аммиак каби “яшил” ёқилғи, шунингдек, биоёқилғи ишлаб чиқариш ва қазилма ёқилғи ўрнига улардан кенг фойдаланиш бўйича ҳамкорликни йўлга қўйиш имконини беради.

Айни пайтда Ўзбекистон ва минтақадаги бошқа давлатлар қайта тикланувчи энергетика салоҳиятини фаол кенгайтирмоқда. “Яшил” энергетика ва иқлим соҳасидаги лойиҳаларни амалга ошириш Марказий Осиёда “углерод кредитлари” бозорини ривожлантиришга хизмат қилади. Бу механизм корхоналарга экологик тоза технологияларга инвестициялар жалб қилиш имконини беради, шунингдек, углерод квоталари савдо-си соҳасида халқаро ҳамкорлик платформасига айланади.

Масалан, фаолият юритаётган 14 та янги қуёш ва шамол электр станцияларига қўшимча равишда умумий қуввати 24 минг мегаватт бўлган 50 дан ортиқ шундай лойиҳани амалга ошириш ниятимиз бор.

Яқин беш йилда қайта тикланувчи энергия манбалари улушини 54 фоизга етказиши

режалаштирганмиз. Бу “иссиқхона газлари” чиқишини қарийб 16 миллион тоннага қисқартириш имконини беради ва Ўзбекистон Париж келишуви доирасида “иссиқхона газлари” чиқиндисини 35 фоизга камайтириш бўйича ўз зиммасига олган мажбуриятларнинг муддатидан олдин бажарилишига имкон беради.

Яна бир муҳим йўналиш энергетика тизимларини модернизация қилиш бўлиб, бу уларнинг самарадорлигини оширади ва углерод изини камайтиришга хизмат қилади.

— **Бўлажак саммитда хавфсизлик масалалари муҳокама қилиниши истиқболларини қандай баҳоляйсиз? Марказий Осиё ва Европа Иттифоқи ўртасидаги ҳамкорликнинг қайси соҳалари Сиз учун алоҳида аҳамиятга эга?**

— Биз халқаро муносабатлар тизимининг чуқур трансформациясига гувоҳ бўляпмиз. Дунёда шундай кенг кўламли ўзгаришлар рўй бермоқдаки, уларнинг оқибатларини ҳозирча аниқ башорат қилиш мушкул.

Худудий хавфсизликни таъминлаш Марказий Осиё мамлакатлари учун ҳар доим устувор йўналиш бўлиб келган ва шундай бўлиб қолмоқда. Шу сабабли, 2023 йилда биз Марказий Осиё ва Европа Иттифоқи давлатлари ўртасида бу соҳадаги ҳамкорликнинг янги кун тартибини экспертлар муҳокамасига олиб чиқиш вазифасини қўйдик.

Биз яхши тушунамизки, бизнинг минтақамиз ҳам, Европа Иттифоқи ҳам хавфсизлик соҳасида, жумладан, терроризм, экстремизм ва трансмиллий жиноятчиликка, гиёҳванд моддаларнинг ноқонуний айланмасига қарши кураш масалаларида умумий таҳдид ва хаттарларга дуч келмоқда.

Шу нуктаи назардан, Европа Иттифоқи билан хавфсизлик соҳасидаги ҳамкорлик ўзаро муносабатларимизнинг асосий йўналишларидан биридир.

Бугунги воқеикларни инобатга олган ҳолда, фақат мавжуд дастурлар доирасидаги ҳамкорликни давом эттириш билан чекланиб қолмай, киберхавфлар ва экстремизмга қарши куралишига қаратилган янги ташаббусларни ишлаб чиқиш ҳам муҳим деб ҳисобляймиз.

— **Афғонистон Ўзбекистон ташқи сиёсатининг муҳим йўналишларидан бири бўлиб қолмоқда. Қўлаб давлатлар муваққат ҳукумат билан ҳамкорлик қилиш ҳамда бу мамлакатни минтақавий ва халқаро ҳамкорлик жараёнларига жалб этишдан ўзини тийиб турган бир пайтда Ўзбекистон жанубий қўшниси билан фаол алоқаларни давом эттирмоқда.**

Ўзбекистоннинг Афғонистонга бундай ёндашувининг сабаблари нимада, бу масалада давлатларимиз ўртасида жадал ҳамкорликни давом эттириш истиқболлари қандай?

— Ўзбекистоннинг Афғонистонга нисбатан ёндашуви ҳар доим прагматик ва узоқ муддатли стратегик тамойилларга асосланиб келган. Биз ҳеч қачон қўшнимиздан юз ўғирмаганимиз, у билан алоқаларни ўзмаганимиз. Биз қўшни давлатлар, жумладан, унинг яқин ва энг муҳим ҳамкори сифатида Ўзбекистон билан конструктив ҳамкорлик қилмасдан Афғонистонни ривожлантириш имконсиз, деган фикрга доим ишониб келганмиз.

Шуни алоҳида таъкидлаш жоизки, Афғонистонга нисбатан олиб бораётган сиёсатимизни қўлаб-қувватламаганларнинг қўнчилиги бугун унинг тўғрилиги, муқобили йўқлигини тан олишга мажбур бўлишмоқда. Афғонистондаги аввалги тузум бир қатор сабабларга кўра ҳокимиятни саклаб қололмаслигига амин эдик. Бу сабаблар қаторида аввалги ҳокимиятнинг мамлакат худудини тўлиқ назорат қилишга қобилиятлиги, муҳолифат билан мулоқотга тайёр бўлмагани, инклюзив ҳукуматни шакллантиришга интилмагани ва давлат бошқарувининг барча даражаларида коррупция авж олганини келтириш мумкин.

Ҳозирги раҳбарият Афғонистондаги вазиятни барқарорлаштиришга, ўз ресурсларини аэропортлар, ички темир йўл тармоқлари, сув-энергетика инфратузилмасини ривожлантиришга ва кўкнор майдонларини қисқартиришга йўналтиришга муваффақ бўлди. БМТ маълумотларига кўра, “Толибон” 2023 йилда гиёҳванд моддалар савдосини тақиқлаганидан сўнг, Афғонистонда кўкнор етиштириладиган ерлар 95 фоизга камайган. Афғонистонда кўкнордан холи келажак барпо этиш мақсадида қишлоқ аҳолисига ёрдам кўрсатилмоқда, қишлоқ хўжалигининг муқобил йўналишлари ривожлантириляпти.

Бугунги шароитда биз Афғонистонга стратегик имкониятлар нуктаи назаридан қараш зарур деб биламиз. Ушбу мамлакатни халқаро иқтисодий жараёнларга жалб этиш, хусусан, унинг ҳудудида инфратузилмавий лойиҳаларни амалга ошириш жуда муҳим.

Шу маънода, биз Афғонистонга нафақат мавжуд инқироздан чиқиш, балки узоқ муддатли ривожланиш имконини берадиган ижобий кун тартиби ва ташаббусларни илгари суриш учун Европа Иттифоқи ва бошқа халқаро ҳамкорлар билан биргаликда ишлашга тайёرمىз. Ҳозирда биринчи галдаги вазифа — Афғонистонга таълим соҳасида ёрдам беришни давом эттириш, деб ҳисобляймиз.

Ишончим комил, Афғонистондаги вазиятнинг барқарорлаштириш ва мамлакатни тиклаш Марказий Осиё ва Европа Иттифоқи давлатларининг умумий манфаатларига жавоб беради.

— **Марказий Осиё ва Европа Иттифоқи қандай қилиб иқлим хавфларига биргаликда қарши туриши мумкин, бу соҳадаги ҳамкорлик учун қандай имкониятлар мавжуд?**

— Иқлим ўзгариши — бу энди инкор этиб бўлмайдиган хатар. Марказий Осиё қуроқчилик, музликлар эриши ва сув танқислиги билан юзма-юз келаётган бўлса, Европа анормал иссиқлик, ёнғинлар ва экотизимлар ўзгариши билан тўқнаш келмоқда.

Марказий Осиё иқлим ўзгаришига нисбатан энг сезгир ҳудудлардан бири сифатида ўз масъулиятини тўлиқ англайди ва Европа билан узоқ муддатли ечимлар устида ҳамкорлик қилишга тайёр.

Биз учун сўзсиз устувор йўналиш — бу Марказий Осиёда “яшил” кун тартибини илгари суришдир.

Самарқанд саммити доирасида биз “яшил” ривожланиш бўйича минтақавий концепция лойиҳасини тақдим этишни режалаштирганмиз. Унда табиий ресурслардан оқилона фойдаланиш ва “яшил” технологияларни жорий этиш соҳасида самарали минтақавий ҳамкорликнинг мустаҳкам асосини яратиш кўзда тутилган.

Биз “ЕИ — Марказий Осиё яшил шериклиги” дастурини ривожлантиришни таклиф этамиз. Унинг доирасида қайта тикланадиган энергия манбалари, экотизимларни тиклаш ва иқлимни рақамли мониторинг қилиш бўйича лойиҳаларни молиялаштиришда кучларимизни бирлаштиришмиз мумкин.

Сув ресурсларини тежаш соҳасидаги саяё-ҳаракатларни бирлаштириш муҳим деб ҳисобляймиз.

Бу борада Европа Иттифоқи билан ирригация инфратузилмасини модернизация қилишдан тортиб музликларни биргаликда кузатиш ва илгор сув тежовчи технологияларни жорий этишгача бўлган йўналишларда ҳамкорлик учун катта имкониятларни кўряпмиз.

ЕИ билан ҳамкорликни кенгайтиришдан, хусусан, давлат-хусусий шериклик соҳасида Европа тажрибасидан фойдаланишдан умидимиз катта.

Устувор йўналишлардан яна бири — экотизимлар ва биохилмаҳилликни тиклашдир.

Таназзулга учраган ерларни, шу жумладан, Оролбўйи худудини кўкаламзорлаштириш бўйича кенг кўламли дастур — “Марказий Осиёнинг яшил белбоғи” лойиҳасини аллақачон бошлаганмиз.

Бу борада Европа Иттифоқи билан ҳамкорлик қилиш учун улкан салоҳият мавжуд.

Биз экологик соҳада таълим тизимини таркомиллаштириш ва илмий тадқиқотлар ўтказишга ҳам устувор эътибор қаратяпмиз. Ўтган йили минтақамизда биринчи “Яшил” университети очдик, бу таълим маскани қўшма тадқиқотлар ўтказиш ва инновацияларни жорий этиш учун самарали майдон бўлиб хизмат қилиши мумкин.

— **Бўлажак олий даражадаги учрашудан нималар кутяпсиз? Саммит якунида қандай натижаларга эришилишини истардингиз?**

— Бўлажак саммит ҳақиқатан ҳам тарихий аҳамият касб этади, чунки биринчи марта Марказий Осиёнинг бешта мамлакатини ва Европа Иттифоқи етакчилари бир жойда тўпланади.

Биз бу саммит Марказий Осиё ва Европа Иттифоқи ўртасидаги муносабатларни ривожлантиришда янги саҳифа бўлишини кутамиз. Кейинги йилларда ҳамкорлигимиз сифат жиҳатдан янги босқичга кўтарилди.

Сиёсий мулоқот янада чуқурлашади, ҳамкорлигимизга янада тизимли тус берадиган, уни узоқ муддатли мақсадларга йўналтирадиган янги механизмлар ишлаб чиқилади, деб умид қиламиз. Минтақалараро, айниқса, иқтисодиёт, савдо, энергетика ва транспорт соҳаларидаги ҳамкорликни муҳокама қилиш саммит кун тартибидидаги муҳим масалалардан бири бўлади.

Самарқанд декларациясининг имзоланиши саммитнинг асосий натижаларидан бири бўлиши керак. Бу ҳужжат томонларнинг стратегик шериклик ўрнатишга бўлган умумий интилишини акс эттиради. Декларация нафақат эришилган келишувларни мустаҳкамлайди, балки минтақаларимиз ўртасидаги алоқаларни чуқурлаштириш учун асос яратади.

Биз инвестициявий ҳамкорликни кенгайтириш, қўшма инфратузилма лойиҳаларини амалга ошириш, инновациялар ва рақамли ечимларни қўлаб-қувватлаш бўйича аниқ келишувларга эришилшдан умидвормиз.

Албатта, қўлаб саволларга саммит якунида жавоб топилади. Бироқ ҳозирдан айтиш мумкинки, бу учрашув Европа Иттифоқи ва Марказий Осиё ўртасида барқарор, ўзаро манфаатли шерикликни барпо этиш йўлидаги муҳим қадамга айланади. Бу шериклик умумий манфаатлар, ишонч ва биргаликдаги тараққиётга интилишга асосланган бўлади.

— **Сизда Европа етакчилари ва фуқароларига битта муҳим фикрни етказиш имконияти бўлганда, нима деган бўлар эдингиз?**

— Бугунги имкониятдан фойдаланиб, европалик ҳамкорларимизга мурожаат қилмоқчиман.

Марказий Осиё мулоқот ва ҳамкорликни кенгайтиришга очик, Биз барқарор ривожланиш ва халқларимизнинг фаровонлигини оширишга хизмат қиладиган, ўзаро манфаат ва ишончга асосланган конструктив ҳамкорлик тарафдоримиз.

Биз Европа Иттифоқининг минтақа очиклигини таъминлаш, унинг равнақи ва субъектлигини мустаҳкамлашга қаратилган интилишларимизни қўлаб-қувватлаётганини юксак қадрляймиз. Айниқса, Европа Иттифоқи Марказий Осиёни барқарор ва жадал ривожланаётган, барча манфаатдор томонлар билан очик ва тенг ҳуқуқли шерикликка тайёр бўлган минтақага айлантиришдек мақсадимизда биз билан ҳамфикр экани жуда муҳимдир.

Бўлажак саммит муносабатларимизда муҳим босқич бўлади. Самарқанддаги учрашув натижалари ҳамкорлигимизни янада ривожлантириш учун янги истиқболлар очишига ишонамиз.

Учрашув

КОНСТРУКТИВ ШЕРИКЛИК ЯНАДА МУСТАҲКАМЛАНАДИ

Кеча Олий Мажлис Сенати Раиси Танзила Норбоева Россия Федерациясининг Ўзбекистон Республикасидаги Фавқулдда ва мухтор элчиси Олег Мальгинов билан учрашди.



Унда Ўзбекистон ва Россия ўртасидаги кўп қиррали стратегик муносабатларини янада ривожлантириш истиқболлари, шунингдек, икки томонлама ҳамкорликни мустаҳкамлашда муҳим ўрин тутадиган парламентлараро алоқаларни фаоллаштириш масалалари кўриб чиқилди.

Хусусан, икки мамлакат парламентлари ўртасидаги, жумладан, халқаро ва минтақавий ташкилотлар доирасидаги алоқалар изчиллик касб этиб бораётир. Шу маънода, Тошкент шаҳрида бўлиб ўтадиган Парламентлараро Иттифоқнинг 150-йубилей ассамблеясига тайёргарлик доирасида икки мамлакат парламентлари ўртасидаги ҳамкорликни чуқурлаштириш ва кенгайтириш масалалари эътибор марказида бўлди.

Олег Мальгинов Парламентлараро Иттифоқнинг юбилей ассамблеясида ўз мамлакатни делегациясининг иштирок этишини маълум қиларкан, бу Ўзбекистон ва Россия ўртасидаги стратегик ҳамкорлик мустаҳкамланаётганидан далолат беришини алоҳида таъкидлади.

Учрашув якунида икки мамлакат халқлари манфаатлари йўлида конструктив ва ўзаро фойдали ҳамкорликни давом эттиришга келишиб олинди.

«Халқ сўзи».

Дунё парламентаризмининг муҳим мулоқот майдони

Аввал хабар берилганидек, 5 — 9 апрель кунлари Тошкент шаҳри Парламентлараро Иттифоқнинг 150-йубилей ассамблеяси учун муҳим мулоқот майдониға айланади.

■ Анжуман олдидан

Ушбу тadbир Марказий Осиё минтақасида биринчи марта Ўзбекистонда ўтказилаётган мамлакатимизнинг глобал парламентлараро мулоқотдаги фаоллиги тобора ортиб бораётгани, парламентаризм, демократия ва халқаро ҳамкорликни ривожлантириш бора-сидаги саяё-ҳаракатлари эътирофидир, десак, муволага эмас.

Дарҳақиқат, Ўзбекистон парламенти жаҳон парламентаризмида муносиб ўринга эга. Буни Янги Ўзбекистоннинг тараққиёт стратегиясида белгиланган мақсад ва вазифалардан келиб чиққан ҳолда юртимизда ўтказиладиган ушбу нуфузли тadbир ҳам яққол тасдиқлайди.

Ассамблея халқаро ҳамкорликни мустаҳкамлаш имконини беради. Унинг доирасида парламентлараро мулоқотни ривожлантириш, қонунчилик тажрибасини алмашиш, минтақавий ва глобал масалаларни муҳокама қилиш имконияти яратилади.

Нуфузли анжуман бошланишига санокли саналар қолган шу кунларда мамлакатимиз пойтахти ташкилотга аъзо давлатларнинг парламент вакиллари ва нуфузли меҳмонларни кутиб олмақда.

Хусусан, кучи кеча юртимизга келган Парламентлараро Иттифоқ раиси Тулия Эксон ўзининг илк таассуротлари билан ўртоқлашди: — Анжуманга 2 мингга яқин иштирокчилар йиғилиши кутилмоқда. Ассамблеянинг Тошкентда ўтказилиши Ўзбекистонда келажатдаги жараёнларга катта эътибор қаратаётганимизни кўрсатади. Зеро, сўнгги йилларда амалга оширилган ислохотлар юксак эътирофга лойиқ ва мамлакат барқарор ривожланиб бораётир. Шу муносабат билан яна бир бор Ўзбекистон Президенти ҳамда Сенат Раисини бу борадаги саяё-ҳаракатлар натижаси билан қутлашдан мамнунман.

«Халқ сўзи».



Ўзбекистон вакили Франциянинг «Санъат ва адабиёт» ордени билан тақдирланди

Куни кеча Франция Маданият вазирлигида Ўзбекистон маданият ва санъатни ривожлантириш жамғармаси раиси Гаянэ Умеровага “Санъат ва адабиёт” (Ordre des Arts et des Lettres) орденини топшириш маросими бўлиб ўтди.

Биз ва жаҳон

Франция маданият вазири Рашида Дати тақдирлаш маросимидаги нутқида Президент Шавкат Мирзиёев раҳнамолигида Ўзбекистонда маданият соҳасини ривожлантириш борасида амалга оширилаётган изчил давлат сиёсатини эътироф этиш баробарида, бу Франция билан стратегик шериклик муносабатла-

рини мустақамлашга хизмат қилаётганини таъкидлади.

“Ушбу юксак мукофот Ўзбекистоннинг халқаро маданий алоқаларни мустақамлаш ва санъат соҳасида глобал мулоқотни ривожлантиришга қўшган сазй-ҳаракатлари ва ҳиссасининг эътирофидир. Ҳукумат, Президент маъмурияти ва Франция Ташқи

ишлар вазирлиги, дипломатик корпус вакиллари, маданият ар-боблари ва халқаро ҳамкорлар иштирокида Ўзбекистон вакилининг ушбу орден билан тақдирлангани янги Ўзбекистон маданий дипломатияси самарадорлигининг ёрқин далилидир”, деди вазир Рашида Дати.

Сўнгги йилларда Ўзбекистон ва Франция ўртасидаги маданият ва санъат соҳасидаги ҳамкорлик бир қатор муҳим ташаббуслар — Луврда ўзбек меросига оид кенг қўламли кўргазмадан тортиб, халқаро маданий анжуманларда фаол иштирок этишгача бўлган

ишлар янги босқичга кўтарилди.

Шу нуктаи назардан, давлатимиз раҳбари ташаббуслари бўйича ўстувор лойиҳаларни амалга ошираётган Ўзбекистон маданият ва санъатни ривожлантириш жамғармаси муҳим ўрин тутмоқда.

Маълумот учун, “Санъат ва адабиёт” ордени Францияда, шунингдек, жаҳонда санъат ва адабиётнинг гуллаб-яшнашига қўшган хизматларини тақдирлаш учун ҳар йили дунё бўйлаб 60 га яқин илғор кишиларга берилadi.

«Дунё» АА.
Париж

ЯНГИЛИКЛАР хабарлар ТАФСИЛОТЛАР

Нуфузли тузилма фаолиятига оид рисола

Хабар берилганидек, 5 — 9 апрель кунлари мамлакатимизда Парламентлараро Иттифоқнинг 150-йубилей ассамблеяси ўтказилди. Марказий Осиё минтақасида илк бор ташкил этилаётган ушбу нуфузли тадбирда 200 га яқин давлатлардан парламентарийлар жам бўлди.

Шу муносабат билан Парламент тадқиқотлари институти томонидан “Парламентлараро Иттифоқ: мақоми, стратегик вазифалари ва Ўзбекистон билан ҳамкорлиги” номли рисола тайёрланди.

Унда Парламентлараро Иттифоқ фаолияти, унинг асосий йўналишлари, ташкилий тузилиши, стратегик мақсадлари кенг ёритилган. Қолаверса, мамлакатимизнинг мазкур ташкилотга аъзолиги ва унинг доирасидаги фаолияти, миллий парламентимизнинг иштироки, ҳамкорлик орқали эришилаётган натижалари таҳлил қилинган.



Ясминадан навбатдаги бош соврин

Беларусда ўтказилган “Славянский базар-Витебск — 2024” фестивалида Гран-при соҳибаси бўлган Тошкент шаҳридаги 1-болалар мусика ва санъат мактаби ўқувчиси Ясмина Хусниддинова яна бир бор халқаро саҳнада юртимиз шаънини улуғлашга муваффақ бўлди.

Гап шундаки, Ясмина Италияда ўтказилган нуфузли “Sanremo Junior” халқаро танловида фаол қатнашиб, дунёнинг 25 та давлат вакиллари орасида беш мукофот — Гран-прини қўлга киритди.

Эслатиб ўтаамиз, ўтган йили Ясмина Президентимиз ташаббуси билан ташкил этилган “Ёшлар овози — Bo'zotov FEST” республика танловида ҳам голиб бўлган эди.



Атроф-муҳит қарийб 350 тонна чиқиндидан тозаланди

Экология, атроф-муҳитни муҳофаза қилиш ва иқлим ўзгариши вазирлиги ҳамда унинг ҳузуридаги Чиқиндиларни бошқариш ва циркуляр иқтисодиётни ривожлантириш агентлиги томонидан Тошкент шаҳрининг Янгиҳаёт тумани, “Янги Чоштепа” МФЙ ҳудудида 30 март — Чиқиндиси дунё учун халқаро кун муносабати билан плоггинг эко-акцияси ўтказилди.



Вазирлик бўлим бошлиғи З. Абдуллаеванинг айтишича, плоггинг учун айнан аҳоли яшайдиган ҳудуд танлангани бежиз эмас. Мазкур акция орқали аҳолига ўзи яшайдиган ҳудудни чиқиндиҳонага айлантирмаслик, атроф-муҳитни озода сақлаш зарурлигини яна бир бор ўқитиш мақсад қилинган.

Акция давомида атроф-муҳит жами 1 124 кг. чиқиндидан тозаланди. Яқунда энг кўп чиқинди тўплаган жамоалар тақдирланди. Шунингдек, барча иштирокчиларга эсдалик совғалари ва ташаккурномалар топширилди.

Маълумот учун, акция давомида юртимиз бўйлаб жами 3 мингга яқин иштирокчилар томонидан 58 та ҳудуд (150 гектарга яқин) 349,8 тонна чиқиндидан тозаланди.

Раҳим ШЕРҚУЛОВ
(«Халқ сўзи») тайёрлади.

Омилкорлик Баҳорги асалнинг ўзи ҳам, даромади ҳам тотли

Янгиобод туманидаги Сармич қишлоғидагилар Ботир Додоевни асаларичилик соҳасининг билимдони деб билади. У эса бунга осонликча эришмади. Асаларичиликка оид қўллаб мақолалар, қўлланмаларни ўқиди. Жиззах вилоятининг қўллаб туманларига бориб, бу касбнинг пирларидан маслаҳат олди. Хуллас, бу бизнесни бошлашдан олдин у яхши даромад келтиришини билиб, барча қийинчиликка чидади. Қарабсизки, бугун Сармичда ундан ўтадиган асаларичи йўқ.



— Асаларичилик — бутун йил давомида тинимсиз меҳнат, дегани. Асалариларни қишдан олиб чиқишнинг ўзи бўлмайди, — дейди янгиободлик тадбиркор Б. Додоев. — Жиззах вилоятида бошқа жойларда учрамайдиган шифобахш ўсимликлар кўп. Баҳор гулларида олинган асалдан юз фоиз табиий гиёҳларнинг хиди келиб туради. Шунинг учун ҳам баҳорги асалнинг харидори кўп. Шунинг орқасидан рўзгоримиз бадастир, тўйлар қилдик.

Қўпчилик асаларини фақат асал ишлаб чиқаради, деб ўйлайди. Албатта, бу унинг асосий вазифаси, бироқ у ўсимликларни чанглатувчи ҳам ҳисобланади. Асалариларнинг иштирокисиз қўллаб ўсимликлар мева бермайди. Асалари юз грамм нектар йиғиш учун миллионгача гулга кўнади. Бир килограмм асал тўплаш учун бир неча юз минг километр масофани босиб ўтади. Бу — Ер шари атрофини бир неча марта айланиб чиқишга тенгдир.

Ҳа, асаларини бежиз “етти хазинанинг бири” дейишмас экан. Ботир Додоев билан суҳбатлашиб, биз бунга амин бўлдик. Ҳозирги кунда у ўз хонадонидида юз қўти асалари парвариш қилмоқда. Асаларидан йилга 1-1,5 тоннагача асал олиб, 100 — 150 миллион сўмгача даромад топади. Асаларилари нектар ахтариб узок-узокларга учиб кетмаслиги учун томорқасида 0,7 гектарлик мевали боғ барпо этган. Асаларилар уяси ёнида доим сув бўлиши учун ёгин сувлари йиғиладиган ҳавзаси ҳам бор. Эътиборлиси, йиғилган сувдан экинларни томчилатиб сўғоришни ҳам йўлга қўйган. Эндиликда моҳир асаларичининг тажрибасини ўнлаб сармичликлар ўрганмоқда.

Рустам НУРМАТОВ
(«Халқ сўзи»).



Вазирлар Маҳкамасининг 2019 йил 12 мартдаги “Қашқадарё вилоятида ўрмон хўжалиги соҳасини янада ривожлантириш чора-тадбирлари тўғрисида”ги қарори билан Қумдарё давлат ўрмон хўжалиги ташкил этилиб, унга Чироқчи тумани ҳудудидан 28525 гектар табиий ўрмонзор ва фойдаланмаётган ер майдонлари ўрмончилик ишларини ривожлантириш учун ажратиб берилган эди.

Мурожаат изидан

Бу ер майдонларининг бир қисми “Еттитом” массивида жойлашган. 2022 йилда Чироқчи тумани ҳудудининг бир қисмида янги — Қўқдала тумани ташкил қилиниб, Еттитом шаҳарчаси унинг маъмурий маркази этиб белгиланди. Натижада бу ҳудуддаги аввал табиий ўрмонзор ва самарасиз ер сифатида баҳоланиб, Қумдарё давлат ўрмон хўжалиги тасарруфига берилган заминнинг қадри, қиймати ва унга бўлган талаб ҳам кескин ошиб кетди.

Аслида ҳам энди тумanning қоқ марказидаги ерларни ўрмон сифатида асраб ўтиришдан мантққ йўқдек. Шаҳарчада янги ишлаб чиқариш мажмуалари, савдо ва хизмат кўрсатиш тармоқларини кенгайтириш, мавжуд инфраструктурани ривожлантириш учун ҳам бу ер майдонларига эҳтиёж катта. Шундай экан, унинг зарур қисмини белгиланган тартибда давлат захирасига ўтказиб, қонуний асосда фуқаролар ёки тадбиркорларга бериш мумкин.

Бироқ ҳозирги вақтда бу ер майдонлари қайсидир масъуллар томонидан ҳеч қандай ҳужжатларсиз сотиб юборилмоқда. Ҳудуддаги бир гуруҳ фуқаролар тахририятимизга шу ҳақда мурожаат қилиб, бу борада адолат таъминланмаётгани, ўрмон хўжалиги ерлари талон-торож этилаётганлигидан норозилик билдиришди.

— 2021 йилда Қумдарё давлат ўрмон хўжалиги ҳудудидан қишлоқ хўжалиги маҳсулотлари етиштириш ва боғдорчиликка асос солиш учун 1,10 гектар ер майдонини шартнома асосида 49 йилга ижарага олгандим, — дейди Бахриддин Бобомуродов. — Боғни намунавий асосда яратганман. Шартномада кўрсатилган бошқа шартларнинг ҳам барчасини бажариб келяпман. Ўзим қўшни қишлоқдан қатнаб ишлаганим боис ёзда фойдаланиш учун шу ерда дала шийпони сифатида битта иморат қургандим. Қадастр ҳодимлари келиб, буни ноқонуний қурилиш сифатида баҳолашди. Иш судга оширилди ва суд ҳам шундай

қарор чиқарди. Қонунни ҳурмат қилман, энди ноқонуний қурилишни бузиб ташламоқчиман. Лекин мен ижарага олган, барча тўловни доимий тўлаб бораётган жойимда қурилишни амалга оширдим. Ён-атрофимдагилар эса ўрмон хўжалигига тегишли ерларни ҳам ўзлаштириб, уй-жой қуриб олмоқда. Аллақачон кўчиб келиб яшаётганлар ҳам кўп. Қонун ҳамма учун баробар эмасми? Нега кимнингдир ноқонуний қурилишига ҳамма кўз юмаяпти-ю, кимгадир дарҳол чора кўриляпти? Мана шуниси алам қилади.

Мурожаатчилардан яна бири — Улуғбек Ботировнинг айтишича, масъулларнинг “қўнғлига йўл топган” киши ўрмон хўжалиги ерларида қурилишни бошлаб, бинони ёпиб олгунига қадар бу ишга ҳамма кўз юмади. Кейин унинг ишини судга оширади. Шу йўл билан ерни сотганлар бу қилмишларини қонуна химоялаб қўяди. Бунга қадар эса уй-жойни қурган оила аллақачон бу ерга кўчиб келиб яшай бошлайди. Энди суд қандай қарор чиқаришидан қатъи назар, бутун оилани кўчада қолдириб, уй-жойини бузиб ташлаш осон эмас-да. Мажаро бир-икки йил давом этиши мумкин, лекин алал оқибат эгаллаб олган жойи ўша фуқарога қолади.

— Бу коррупцион тузук. Ҳамма иш бошидан шундай режалаштирилган. Йўқса туман ҳоқимлиги, туман суди ва ИИБ биноларининг рўпарасида, улардан атиги 500 метр наридаги ерда амалга оширилаётган шунча ноқонуний қурилишлардан ҳеч кимнинг хабари бўлмайди-ми?! — дейди у.

Қумдарё давлат ўрмон хўжалиги раҳбари Шокир Жўланов ўрмон хўжалигига тегишли ерларнинг ноқонуний сотиб юборилаётгани ҳақидаги гап-

тиб олгани, кимга пул бергани ҳақидаги ёзишмалар, аудиофайллар ҳам тақдим этилди. Лекин уларни ўрганиш, ҳуқуқий баҳо бериш бизнинг ваколатимизга кирмайди. Бу ишга тегишли ташкилотлар бор. Улар муаммага жиддийроқ ёндашиб, ўрмон хўжалиги ерларининг талон-торож қилинишининг олдини олади, деган умиддамиз.

Жаҳонгир БОЙМУРДОВ
(«Халқ сўзи»).

Реклама

«ТРАСТБАНК» ХУСУСИЙ АКЦИЯДОРЛИК БАНКИ АКЦИЯДОРЛАРИ ДИҚҚАТИГА!

“Трастбанк” хусусий акциядорлик банки ўтган йиллар якунлари бўйича акциядорларнинг навбатдаги ва навбатдан ташқари умумий йиғилишлари баённома қарорларига қўра, банкнинг оддий ва имтиёзли акцияларига ҳисобланган дивидендларни ўз вақтида олмаган банк акциядорларидан дивидендларни олиш учун зарур бўлган ҳужжатларни (**жисмоний шахслар учун** — паспорт ёки ID картанинг асл нусхаси, СТИР нусхаси, банкда ҳисобоварақ очилганлиги тўғрисида тасдиқнома нусхаси, **юридик шахслар учун**

— жамият устави нусхаси, давлат рўйхатидан ўтганлиги тўғрисида гувоҳнома нусхасини (лицензия) тақдим қилган ҳолда, банкнинг бош офисига ёки ҳудудий филиалларига мурожаат этишини сўрайди.

Ўзбекистон Республикаси “Акциядорлик жамиятлари ва акциядорларнинг ҳуқуқларини ҳимоя қилиш тўғрисида”ги Қонунининг 6-боб 51-моддасига асосан **“Эгаси ёки эгасининг қонуний ҳуқуқий вориси ёхуд меросхўри томонидан уч йил ичида талаб қилиб олинмаган дивиденд**

акциядорларнинг умумий йиғилиши қарорига биноан жамият ихтиёрида қолади”.

Қўшимча маълумот олиш учун қуйидаги манзилга, хусусан, “Трастбанк” ХАБ бош офисига мурожаат этишингизни сўраймиз:

100011, Тошкент шаҳри, Навоий кўчаси, 7-уй, тел.: 1287, 78-140-00-88.

Банкнинг электрон почта манзили: info@trustbank.uz
Расмий веб-сайти: www.trustbank.uz

Халқ сўзи Народное слово

МУАССИСЛАР:
Ўзбекистон Республикаси
Олий Мажлиси Қонунчилик палатаси Кенгаши,
Ўзбекистон Республикаси
Олий Мажлиси Сенати Кенгаши

Бош муҳаррир Ўткир РАҲМАТОВ

2020 йил 25 мартда Ўзбекистон Республикаси Президенти Администрацияси ҳузуридаги Ахборот ва оммавий коммуникациялар агентлигида 0001-рақам билан рўйхатга олинган. Нашр индекси — 229. Буюртма Г — 442. 13 374 нусхада босилди, ҳажми — 2 табоқ. Офсет усулида босилган. Қоғоз бичими А—2. Баҳоиси келишилган нархда.

Телефонлар:
Девонхона 71-259-74-51; котибхона 71-259-74-53;
эълонлар 71-259-74-45.



Тахриратта келган қўлаёзмалар тақрир қилинмайди ва муаллифга қайтарилмайди.
Газетанинг сўзлаб берилиши учун обунали расмийлаштирган ташкилот жаавобгар.
Газета тахриратта компьютер марказида терилди ҳамда оператор А. Исмаилов томонидан саҳифаланди.
Газетанинг полиграфик жиҳатдан сифатли чоп этилишига “Шарқ” нашриёт-матбаа акциядорлик компанияси масъул. Босмаҳона телефони: 71-233-11-07.

• **МАНЗИЛИМИЗ:**
100066,
Тошкент шаҳри,
Ислом Каримов кўчаси, 55-уй.

Навбатчи муҳаррир — Ф. Бозоров.
Мусахҳиҳ — С. Османов.

“Шарқ” нашриёт-матбаа акциядорлик компанияси босмаҳонаси. Корхона манзили:
Буюк Турон кўчаси, 41. ЎЗА якуни — 01.55 Топширилди — 02.15 1 2 3 4 5 6